

嘉慶廣陵事略

廣陵事略卷之三

歸安姚文田撰

唐

高祖武德二年四月隋禦衛將軍陳稜以江都來降以稜爲揚

州總管

通鑑唐紀三

九月賊帥李子通據江都僭稱天子國號吳

舊唐書高祖紀

沈法興克毘陵謂江淮之南指揮可定自稱梁王都毘陵置

百官性殘忍專尙威刑其下離怨時杜伏威據歷陽陳稜據

江都李子通據海陵俱有窺江表之心法興軍數敗會子通

圍稜於江都稜送質求救於法興及伏威法興使其子綸將

兵數萬與伏威共救之伏威軍清流綸軍楊子相去數十里  
子通納言毛文深獻策募江南人詐爲綸兵夜襲伏威營伏  
威復遣兵襲綸由是二人相疑莫敢先進子通得盡銳攻江  
都克之稜奔伏威子通入江都因縱擊綸大破之伏威亦引  
去子通卽皇帝位國號吳改元明政丹陽賊帥樂伯通帥眾  
萬餘降之子通以爲左僕射通鑑唐紀三案隋書楊帝紀  
子通自稱楚王時已建元明政  
三年六月詔隋帝及其宗室樞在江都者爲營窆置陵廟以故

官人守之

新唐書  
高祖紀

李子通棄江都保於京口

舊唐書子  
通本傳

子通度江攻沈法興取京口法興奔吳郡於是丹陽毘陵等

郡皆降於子通。杜伏威遣行臺左僕射輔公祏將卒數千攻子通。以將軍闕陵王雄誕爲之副。子通敗走公祏。逐之反。爲所敗。還閉壁不出。王雄誕曰：子通無壁壘，又狃於初勝，乘其無備，擊之可破也。公祏不從。雄誕以其私屬數百人夜出擊之。因風縱火，子通大敗，降其卒數千人。子通食盡，棄江都保

京口江西之地，盡入於伏威。

通鑑唐紀四

五年八月，葬隋煬帝於揚州。

舊唐書高祖紀

胡三省曰：三年六月有詔葬隋帝，此又云葬煬帝。

蓋三年李子通猶據江都，雖有是詔不果葬也。

六年八月，淮南道行臺左僕射輔公祏反，遣趙郡王孝恭領南

道大使李靖討之。

同上

伏威與公祐少相愛狎公祐年長伏威兄事之軍中咸呼爲伯畏敬與伏威等伏威忌之陰奪其兵權公祐怏怏不平乃與故人左遊仙僞學道辟穀以遠其事伏威入朝遊仙乃說

公祐令反

舊唐書公祐本傳

七年三月丙戌趙郡王孝恭破公祐於蕪湖拔梁山等三鎮辛卯安撫使任瓌拔楊子城廣陵城主龍龕降己亥以孝恭爲東南道行臺右僕射李靖爲兵部尚書頃之廢行臺以孝恭爲揚

州大都督靖爲府長史

通鑑唐紀六 案舊書孝恭傳云總管李靖下廣陵城拔楊子鎮與通鑑所載

皆是一事蓋任瓌等皆受靖節度故又屬之靖也

八年十二月以襄邑王神符檢校揚州大都督始自丹陽移州

府及居民於江北

通鑑唐紀七  
揚江寧縣至是復治江都舊書神符傳載此

先時李子通反揚州僞置丹

事在九年

太宗貞觀二十二年三月庚子隋蕭后卒詔復其位號諡曰愍

使三品護葬備鹵簿儀衛送至江都與煬帝合葬

通鑑唐紀十四

煬帝皇后蕭氏字文化及之亂隨軍至聊城化及敗沒於寶

建德是時突厥處羅可汗方盛其可賀敦卽隋義城公主也

遣使迎后遂入於虜廷貞觀四年歸京師賜宅與道里二十

二年殂詔以皇后禮於揚州合葬於煬帝陵諡曰愍

北史后妃傳下

高宗上元中封霍王元軌子緒爲江都郡王

舊唐書高祖子傳案高宗於咸亨

五年八月改元上元至三年又改儀鳳傳云上元中封宜在二  
年今姑闕又據高宗紀總章二年封諸王嫡子皆爲郡王緒似

當於是年封  
疑傳或有誤

中宗嗣聖元年九月柳州司馬徐敬業僞稱揚州司馬殺長史

陳敏之據揚州起兵自稱上將以匡復爲辭

舊唐書則天紀  
案是年武后廢帝

爲廬陵王改元  
文明又改光宅

時諸武用事唐宗室人人自危眾心憤惋會眉州刺史英公  
李敬業及弟整屋令敬猷給事中唐之奇長安主簿駱賓王  
詹事司直杜求仁皆坐事敬業貶柳州司馬敬猷免官之奇  
貶栢蒼令賓王貶臨海丞求仁貶黜令整屋尉魏思溫嘗爲  
御史復被黜皆會於揚州各自以失職怨望乃謀作亂以匡  
復廬陵王爲辭思溫爲之謀主使其黨監察御史薛仲璋求

奉使江都令雍州人韋超詣仲璋告變云揚州長史陳敬之謀反仲璋收敬之繫獄居數日敬業乘傳而至矯稱揚州司馬來之官云奉密旨以高州酋長馮子猷謀反發兵討之於是開府庫令士曹參軍李宗臣就錢坊驅囚徒工匠授以甲斬敬之於繫所錄事參軍孫處行拒之亦斬以徇僚吏無敢動者遂起一州之兵復稱嗣聖元年開三府一曰匡復府二曰英公府三曰揚州大都督府敬業自稱匡復府上將領揚州大都督以之奇求仁爲左右長史宗臣仲璋爲左右司馬思溫爲軍師賓王爲記室旬日間得勝兵十餘萬移檄州縣敬業求得人貌類故太子賢者給眾云賢不死亡在此城中



令吾屬舉兵因奉以號令楚州司馬李崇福帥所部三縣應  
敬業甲申以左玉鈐衛大將軍李孝逸爲揚州道大總管將  
兵三十萬以將軍李知十馬敬臣爲之副討敬業魏思溫說  
敬業直指洛陽薛仲璋曰金陵有王氣且大江天險足以爲  
固不如先取常潤爲定霸之基思溫曰山東豪傑以武氏專  
制憤惋不平聞公舉事皆蒸麥飯爲糧伸鋤爲兵以俟南軍  
之至不乘此勢以立大功乃更蓄縮自謀巢穴遠近聞之其  
誰不解體敬業不從使唐之奇守江都將兵度江攻潤州丁  
酉追削李敬業祖考官爵發冢斲棺復姓徐氏敬業聞孝逸  
將至自潤州回軍拒之屯高郵之下阿溪使敬猷逼淮陰別

將韋超尉遲昭屯都梁山孝逸軍至臨淮偏將雷仁智與敬業戰不利孝逸聞按兵不進監軍殿中侍御史魏元忠謂孝

逸曰天下安危在茲一舉今大軍久留不進萬一朝廷更命他將以代將軍將軍何以逃逗撓之罪乎孝逸乃引軍而前

壬寅馬敬臣擊斬尉遲昭於都梁山十一月辛亥以左鷹揚

大將軍黑齒常之爲江南道大總管討敬業韋超擁眾據都

梁山諸將皆曰超憑險自固攻之多殺士卒不如分兵守之

大軍直趨江都覆其巢穴度支使薛克構曰超雖據險其眾

非多今多留兵則前軍勢分少留兵則終爲後患不如先擊

之其勢必舉舉都梁則淮陰高郵望風瓦解矣魏元忠請先

擊徐敬猷諸將曰不如先攻敬業敬業敗則敬猷不戰自擒矣元忠曰不然賊之精兵盡在下阿烏合而來利在一決萬一失利大事去矣敬猷出於博徒不習軍旅其狀怯弱人情易搖大軍臨之駐馬可克敬業雖欲救之計程必不能及我克敬猷乘勝而進雖有韓白不能當其鋒矣孝逸從之引兵擊超超夜遁進擊敬猷敬猷脫身走庚申敬業勒兵阻溪拒守後軍總管蘇孝祥夜將五千人以小舟度溪先擊之兵敗孝祥死士卒赴溪溺死者過半左豹韜衛果毅漁陽成三朗爲敬業所擒唐之奇給其眾曰此李孝逸也將斬之三朗大呼曰我果毅成三朗非李將軍也官軍今大至矣遂斬之孝

逸等諸軍繼至戰數不利孝逸懼欲引退魏元忠與行軍管  
記劉知柔言於孝逸曰風順荻乾此火攻之利固請決戰敬

業置陳既久士卒多疲倦顧望陳不能整孝逸進擊之因風

縱火敬業大敗斬首七千級死者不可勝紀敬業等輕騎走

入江都孛妻子奔潤州將入海奔高麗孝逸進屯江都分遣

諸將追之乙丑敬業至海陵界阻風其將王邠相斬敬業敬

猷及駱賓王首來降餘黨唐之奇魏思溫皆捕得傳首神都

揚潤楚三州平

通鑑唐紀十九  
薛仲璋舊書作薛璋

劉延嗣爲潤州司馬

敬業攻潤州執延嗣令降辭曰今日之事得死爲幸敬業將

斬之魏思溫救之獲免乃囚之於江都獄

舊唐書劉  
德威傳

武后垂拱四年十二月乙酉殺江都郡王緒

新唐書則天紀

中宗神龍元年江都王緒孫暉嗣王

新唐書高祖紀三傳舊書中宗紀編入此年

元宗開元二十六年潤州刺史齊澣開伊婁河於揚州南瓜洲

浦

舊唐書元宗紀下

天寶中封儀王璿子健爲廣陵郡王

舊唐書元宗諸子傳案傳云天寶中封年月無考

肅宗至德元載十二月江陵大都督府丞王璿擅領舟師下廣

陵

舊唐書肅宗紀

上皇入蜀命諸子分總天下節制璘領四道節度都使鎮江

陵時江淮租賦山積於江陵璘召募勇士數萬人子襄城王

場有勇力好兵薛鏐等爲之謀主以爲今天下大亂惟南方

完富璘握四道兵封疆數千里宜據金陵保有江表如東晉故事上聞之敕璘歸覲於蜀璘不從上召高適與謀適言璘必敗狀十二月置淮南節度使領廣陵等十二郡以適爲之置淮南西道節度使領汝南等五郡以來瑱爲之使與江東節度使韋陟共圖璘甲辰璘擅引舟師東巡沿江而下吳郡太守李希言平牒璘詰其擅引兵東下之意璘怒分兵遣其將渾惟明襲希言於吳郡季廣琛襲廣陵長史淮南採訪使李成式於廣陵璘進至當塗希言遣其將元景曜及丹徒太守閻敬之拒之成式亦遣其將李承慶拒之璘擊斬敬之景曜承慶皆降璘江淮大震高適與來瑱韋陟會於安陸結盟

誓眾以討之

通鑑唐紀  
三十五

二載二月戊戌永王璘敗死其黨薛鏐等皆伏誅

同上

時李成式與河北招討判官李銑合兵討璘銑兵數千軍於  
楊子成式使判官裴茂將兵三千軍於瓜步廣張旗幟列於  
江津璘與其子瑒登城望之始有懼色季廣琛召諸將謂曰  
吾屬從王至此天命未集人謀已隳不如及兵鋒未交早圖  
去就不然死於鋒鏑永爲逆臣矣諸將皆然之廣琛以麾下  
奔廣陵渾惟明奔江寧馮季康奔白沙璘憂懼不知所出其  
夕江北之軍多列炬火光照水中一皆爲兩璘軍又以火應  
之璘以爲官軍已濟江遽挈家屬與麾下潛遁及明不見濟

者乃復入城收兵具舟楫而去成式將趙侃等濟江至新豐  
璘使瑒及其將高仙琦將兵擊之侃等逆戰射瑒中肩璘兵  
遂潰璘與仙琦奔鄱陽收庫物甲兵欲南奔嶺表江西採訪  
使皇甫侁討擒之殺之於傳舍瑒亦死於亂兵同上 高適渤

海蓀人永王璘起兵於江東欲據揚州初上皇以諸王分鎮  
適切諫不可及永王叛肅宗聞其論諫有素召而謀之適因

陳江東利害永王必敗上奇其對以適兼御史大夫揚州大

都督府長史詔與來瑱平江淮之亂適累爲藩牧政存寬簡吏

民便之

舊唐書  
適本傳

權皋字士繇秦州略陽人高適表試大理

評事淮南採訪判官永王舉兵脅士大夫皋詭姓名以免元



唐書卷之三  
宗聞之拜監察御史

新唐書  
卓行傳

上元元年十一月宋州刺史劉展赴鎮揚州揚州長史鄧景山

以兵拒之爲展所敗展進陷揚潤昇等州

舊唐書  
肅宗紀

御史中丞李銑宋州刺史劉展皆領淮西節度副使銑貪暴不法展剛強自用故爲其上者多惡之節度使王仲昇先奏銑罪而誅之使內左常侍邢延恩奏展倔彊不受命延恩因請除展江淮都統代李暉俟其釋兵赴鎮中道執之上從之以展爲都統淮南東江南西浙西三道節度使密敕舊都統李峘及淮南東道節度使鄧景山圖之延恩以制書授展展疑之因泣下延恩懼曰公素有才望主上以江淮爲憂故不

次用公公反以爲疑何哉展曰事苟不欺印節可先得乎延  
恩曰可乃馳詣廣陵與暉謀解印節授展展乃上表謝牒追  
江淮親舊置之心膂三道官屬遣使迎賀申圖籍相望於道  
展悉舉宋州兵七千趣廣陵延恩知展已得其情還奔廣陵  
與暉景山發兵拒之移檄州縣言展反展亦移檄言暉反州縣  
莫知所從暉引兵度江與副使潤州刺史韋儼浙西節度使  
侯令儀屯京口鄧景山將萬人屯徐城展使其將孫待封張  
灋雷擊之景山眾潰與延恩奔壽州展引兵入廣陵遣其將  
屈突孝標將兵徇濠楚王暉將兵略淮西暉關北固爲兵場  
插木以塞江口展軍於白沙設疑兵於瓜洲多張火鼓若將

趣北固者如是累日岷悉銳兵守京口以待之展乃自上流  
濟襲下蜀岷軍聞之自潰岷奔宣城甲午展陷潤州丙申陷  
昇州初上命平盧兵馬使田神功將所部精兵三千屯任城  
景山既敗與延恩奏乞敕神功救淮南未報景山遣人趣之  
且許以淮南金帛子女爲賂神功及所部皆喜悉眾南下及  
彭城敕神功討展展聞之始有懼色自廣陵將兵八千拒之  
選精兵二千度淮擊神功於都梁山展敗走至天長以五百  
騎據橋拒戰又敗展獨與一騎亡度江神功入廣陵大掠殺

商胡以千數城中地穿掘略徧

通鑑唐紀  
三十七

二年春正月乙卯平盧軍兵馬使田神功生擒劉展揚潤平

舊唐

書肅  
宗紀

春正月丁未神功使特進楊惠元等將千五百人西擊王聊  
辛亥夜神功先遣特進范知新等將四千人自白沙濟西趣  
下蜀鄧景山將千人自海陵濟東趣常州神功與邢延恩將  
三千人軍於瓜洲壬子濟江展將步騎萬餘陳於蒜山神功  
以舟載兵趣金山會大風五舟飄抵金山下展屠其二舟沈  
其三舟神功不得渡還軍瓜洲范知新等兵已至下蜀展擊  
之不勝弟殷勸展引兵逃入海展曰若事不濟何用多殺人  
父子乎死早晚等耳遂更率眾力戰將軍賈隱林射展中目  
而仆遂斬之殷等皆死安史之亂亂兵不及江淮至是其民

始羅茶毒矣

通鑑唐紀三十八

二月癸亥以太子詹事崔圓爲揚州大都督府長史淮南節度

觀察等使

舊唐書肅宗紀

圓署李藏用爲楚州刺史會支度租庸使以劉展之亂諸州用倉庫物無準奏請徵驗諸將往往賣產以償之藏用恐其及已與人言頗有悔恨其牙將高幹挾故怨使人詣廣陵告藏用反先以兵襲之藏用走追斬之圓遂簿責藏用將吏畏皆附成其狀獨孫待封堅言不反圓命引出斬之或曰子何不從眾以求生待封曰吾始從劉大夫奉詔書來赴鎮人謂吾反李公起兵滅劉大夫今又以李公爲反如此誰則非反

者乎吾寧就死不能誣人以非罪遂斬之

通鑑唐紀三十八

代宗大厯十四年秋七月己卯詔王公卿士不得與民爭利諸

節度觀察使於揚州置迴易邸並罷之

舊唐書德宗紀上

德宗建中四年十一月淮南節度使陳少遊將兵討李希烈屯

盱眙聞朱泚作亂歸廣陵修塹壘繕甲兵發兵三千大閱於江

北

通鑑唐紀四十五

鹽鐵使包佶有錢帛八百萬將輸京師少遊欲強取之佶不

可少遊欲殺之佶懼匿妻子於案牘中急濟江少遊悉收其

財帛佶有守財卒三千少遊亦奪之

同

憲宗皇帝諱純貞元四年六月封廣陵郡王

新唐書憲宗紀

二十一年三月立廣陵郡王純爲皇太子

新唐書  
順宗紀

宣宗大中十二年秋七月宣州都將康全泰作亂逐觀察使鄭

薰薰奔揚州

通鑑唐紀  
六十五

懿宗咸通三年五月潤州人陳磻石上書言有奇計饋南軍引  
劉裕海路進軍破盧循故事以磻石爲鹽鐵巡官往楊子院專

督海運

舊唐書  
懿宗紀

九年徐泗兵戍桂州求代作亂推糧料判官龐勛爲主劫庫兵  
北還九月入淮南淮南節度使令狐綯遣使慰勞給芻米

通鑑  
唐紀

六十  
七

都押牙李湘言高郵岸峽水深請將奇兵伏其側可盡擒也

綯素儒且以無救書曰彼在淮南不爲暴聽其白過餘非吾

事也

同上

辛讜寓居廣陵與杜愔有舊聞燿勛作亂請泗州

勸愔挈家避之愔曰安平享其祿位危難棄其城池吾不爲也讜曰公能如是僕與公同死乃還廣陵與其家訣復如泗

州

同上

令狐綯遣李湘將兵救泗州與賊戰大敗賊執湘送徐州

同上

閏月己亥辛讜求救於淮浙夜帥敢死士十人乘小舟潛往礮賊水寨而出癸卯至揚州見令狐綯

同上

十年四月辛讜復自泗州迎糧於揚潤賊夾岸攻之轉戰百里

乃得出至廣陵

同上



僖宗廣明元年三月授淮南節度使高駢爲諸道兵馬行營都

統

舊唐書

僖宗紀

駢遣其將張璘等擊黃巢屢捷盧攜奏以駢爲諸道行營都統駢乃傳檄徵天下兵且廣召募得土客之兵共七萬朝廷

深倚之

通鑑唐紀六十九

高駢奏改楊子院爲發運使

唐上

中和元年四月高駢移檄四方將討黃巢悉發巡內兵五月已

未出屯東塘

通鑑唐紀七十

雉雠於揚州廨舍占者云野鳥入室軍府將空駢心惡之盡出兵於東塘結壘而處每日教閱如赴難之勢仍與浙西周

寶書請同入援京師寶大喜點閱將赴之遣人偵之知其非

寶駢在東塘凡百餘日復還廣陵

舊唐書高駢傳 駢傳載此事在二年

黃

巢度江攻天長駢欲縱賊以聳朝廷然後立功畢師鐸諫曰

朝廷恃公制賊要害莫先淮南今不據要津以滅賊使得北

度必亂中原駢矍然下令將出師嬖將呂用之畏師鐸有功

諫曰公勲業極矣賊未殄朝廷且有口語況賊平挾震主之

威安所稅駕不如觀變求福爲不朽資也駢入其計託疾未

可出屯嚴兵保境

新唐書叛臣傳下

以王鐸爲京城四面諸道行營兵馬都統增駢階爵使務並停

駢上章論列語不遜明年鐸收復京城駢聞悔恨部下多叛乃

託求神仙屏絕戎政軍中可否取決於呂用之

舊唐書  
高駢傳

初駢好神仙有方士呂用之坐好黨亡命歸駢駢厚待之補以軍職用之鄱陽茶商之子也久客廣陵熟其人情爐鼎之暇頗言公私利病駢益奇之稍加信任駢舊將梁纘陳琪馮綬董瑾俞公楚姚歸禮素爲駢所厚用之以計去之又引其黨張守一諸葛殷共盡賊駢守一本滄景村民以術干駢無所遇窮困甚用之謂曰但與吾同心勿憂不富貴遂薦於駢駢寵待埒於用之殷始自鄱陽來用之先言於駢曰玉皇以公職事繁重輟左右尊神一人佐公爲理公善遇之欲其久留亦可縻以人閒重職明日殷謁見詭辨風生駢以爲神補

盛鐵劇職駢嚴潔甥輩未嘗得接坐殷病風疽搥捫不替  
手膿血滿爪駢獨與同席促膝傳杯器而食左右以爲言駢  
曰神仙以此試人耳駢有畜犬聞其腥穢多來近之駢怪之  
殷笑曰殷嘗於玉皇前見之別來數百年猶相識駢與鄭畋  
有隙用之謂駢曰宰相有遺劍客來刺公者今夕至矣駢大  
懼用之曰張先生可以禦之守一乃使駢衣婦人服潛於他  
室而代居駢寢榻中夜擲銅器於階令鏗然有聲又密以囊  
盛麝血灑於庭宇如格鬥狀及旦笑謂駢曰幾落奴手駢泣  
謝厚酬以金寶有魏勝者賂用之求鹽城監駢有難色用之  
曰近得上仙書云有寶劍在鹽城井中須一靈官往取之以

勝上仙左右之人欲使取劍耳駢乃許之勝至監數月函一劍七首以獻用之見稽首曰此北帝所佩得之則百里之內五兵不能犯駢乃飾以珠玉常置坐隅用之自謂礪溪真君謂守一乃赤松子般乃葛將軍勝乃秦穆公壻也用之又刻青石爲奇字云玉皇授白雲先生高駢密令左右置道院香案駢得之驚喜用之曰玉皇以公焚修功著將補真官計鸞鶴不日當降此際用之等謫限亦滿必得陪幢節同歸上清耳是後駢於道院庭中刻木鶴時著羽服跨之日夕齋醮鍊金燒丹費以巨萬計用之微時依止江南后土廟舉動祈禱及得志白駢崇大其廟極江南工材之選又言神仙好樓居

說駢作迎仙樓費十五萬緡又作延和閣高八丈用之每對駢呵叱風雨仰揖空際云有神仙過雲表駢輒隨而拜之然常厚賂駢左右使伺駢動靜共爲欺罔駢不之寤左右小有異議者輒爲用之陷死不旋踵駢倚用之如左右手公私大小之事皆決於用之退賢進不肖淫刑濫賞駢之政事於是大壞矣用之知上下怨憤恐有竊發請置巡察使駢卽以用之領之募險隘者百餘人縱橫閭巷問謂之察子民間呵妻訾子靡不知之用之欲奪人貨財掠人婦女輒誣以叛逆榜掠取服破滅數百家將吏士民重足屏氣又欲以兵威脅制諸將請選募諸軍驍勇之士二萬人號左右莫邪都卽以守

一及用之爲左右莫邪軍使置將吏如帥府器械精利衣裝華潔每出入導從近千人用之侍妾百餘人自奉奢靡用度不足輒留三司綱輸其家用之猶慮人泄其姦謀乃言於駢曰神仙不難致但恨學道者不能絕俗累故不肯降臨耳駢乃悉去姬妾謝絕人事賓客將吏皆不得見有不得已見之者皆先令沐浴齋戒然後見拜起纔畢已復引出由是用之得專行威福無所忌憚境內不復知有駢矣

通鑑唐紀七十

呂用

之父璜以貨茗爲業來往於淮浙間璜卒用之孤且貧因事九華山道士牛宏徽傳驅役考召之術宏徽旣死用之復客廣陵遂穀巾布褐用符藥以易衣食歲餘丞相劉公節制淮

左有靈道靈法者逮捕甚急用之懼遂南度時高駢鎮京口  
召致方伎之士用之以其術通於客次逾月不召詣渤海親  
人俞公楚公楚奇之迺爲儒服目之曰江西呂巡官薦於渤  
海及召試公楚與左右附會其術得驗尋署觀察推官仍爲  
制其名因字之曰無可明年渤海移鎮用之固請戎服遂署

右職

羅隱廣陵妖亂志

諸葛殷用之黨也自郟陽詣廣陵用之先

謂駢曰玉皇遣左右一尊神爲令公道中羽翼明日殷果來  
遂巾褐見駢於碧筠亭妖形鬼態辨詐蜂起謂可以坐召神  
仙立變寒暑駢神靈遇之每從容酒席間聽其鬼怪之說盡  
曰忘倦累遷鹽鐵劇職聚財數十萬緡其凶邪陰狡用之蔑



如也有大賈周師儒者其居處花木樓榭之奇爲廣陵甲第  
殷謂駢曰府城內當有妖起使其得志非水旱兵戈之匹也  
駢曰爲之奈何殷曰當就其下建齋壇請靈官鎮之殷卽指  
師儒第爲處駢命軍候驅出其家是時雨雪驟降泥淖方盛  
執事者鞭撻迫蹙師儒攜挈老幼匍匐道路觀者莫不愕然  
殷遷其族而家焉殷性躁虐知揚州院未兩月官吏數百人  
鞭背殆半光啓二年僞授御史中丞加金紫同上初用之因  
左驍衛俞公楚得見高駢用之橫甚或以咎公楚公楚數戒  
用之少自斂毋相累用之銜之右驍雄軍使姚歸禮氣直敢  
言尤疾用之所爲時面數其非常欲手刃之用之與其黨會

倡家歸禮潛遣人燕其室般貌類者數人用之易服得免窮  
治其事獲縱火者皆驍雄之卒於是日夜譖二將於駢未幾  
駢遣二將將驍雄卒三千襲賊於慎縣用之密以語楊行愨  
曰公楚歸禮欲襲廬州行愨發兵掩之二將不爲備舉軍盡  
殪以二將謀亂告駢駢不知用之謀厚賞行愨

通鑑唐紀  
七十一

行愨本廬州牙將勇敢屢有戰功都將忌之白刺史郎幼復  
連使戍外行愨過辭都將甘言問所須行愨曰正須汝頭耳  
遂起斬之自稱八營都知兵馬使幼復不能制薦於高駢請  
以自代駢以行愨爲淮南押牙知廬州事朝廷因而命之

同上

高駢命行愨更名行密

通鑑唐紀  
七十二

光啓二年二月襄王僭卽皇帝位僞制加諸侯官爵以淮南節度使檢校太尉兼侍中高駢爲太師中書令江淮鹽鐵轉運諸道行營兵馬都統又以淮南右都押衙和州刺史呂用之檢校兵部尙書兼廣州刺史嶺南東道節度使

舊唐書僖宗紀案  
愨卽位通鑑載在十

月

用之建牙開幕一與駢同凡駢之腹心及將校能任事者皆逼以從已諸所施爲不復咨稟駢頗疑之陰欲奪其權而根蒂已固無如之何用之懼訪於其黨鄭杞董瑾杞曰曹孟德有言寧我負人毋人負我明日與瑾共爲書一緘授用之其

語祕人莫有知者

通鑑唐紀  
七十二

六月鎮海節度使周寶遣牙將丁從實襲常州逐張郁郁奔海

陵依鎮遏使高霸

同上

霸高駢將鎮海陵有民五萬戶兵三萬人

同上

三年四月甲辰朔揚州牙將畢師鐸自高郵率戍兵攻揚州下

之囚高駢於別室自總軍政

舊唐書  
僖宗紀

蔡賊孫儒兵掠定遠聲言涉淮駢令畢師鐸率騎三百戍高

郵師鐸有妾美用之請見不可狃其出觀焉怒而棄之內忿

懼爲子結婚於高郵將張神劍陰以爲援師鐸見駢府宿將

多以讒死憂甚用之益加禮師鐸愈恐謀於神劍神劍不然

其言而猜嫌日結用之欲除之亟請罷屯其母密撻師鐸使

去師鐸憂未知所出而駢子怒用之專恣覲師鐸與諸將發其姦使謂師鐸曰用之欲因此行圖君既授書神劍矣君其備之師鐸驚軍中傳言諸將介而見請殺神劍并其軍驅市人以濟亂師鐸曰不可我若重擾百姓復一用之也鄭漢璋素與我善兵精士強以用之用事常不平今若告之謀彼必喜則事濟矣惏然之神劍未知方椎牛釀酒且將犒師師鐸潛師夜出土皆絳緋抹首且行且掠漢璋聞以麾下出迎師鐸諭以計大喜留其妻守淮口帥兵及亡命數千至高郵見神劍詰其變神劍辭不知師鐸語稍侵神劍瞋目曰大夫何晚計彼一妖人前假嶺南節不肯行志圖淮海令君既奪魄

彼一日得志吾能握刀頭北面事之耶吾前未量君意故不  
出口尙何疑漢璋喜取酒割臂血而盟推師鐸爲大丞相作  
誓告神乃移檄州縣以誅呂用之張守一諸葛殷爲名將發  
神劍中悔漢璋恐不爲已下許城破玉帛子女共之四月兵  
傳城城中駭亂用之分兵守且自督戰令曰斬一級賞金一  
餅士多用命師鐸退舍自固用之稍埋塞諸門駢登延和閣  
聞譟甚左右告之故大驚召用之問狀徐曰師鐸眾思歸爲  
門衛所軋隨已處置不爾煩元女一符耳駢曰吾覺爾之誕  
多矣善自爲之師鐸見城未下頓懼通鑑云退求救於宣州  
秦彥約事平迎以代駢駢數責用之曰始吾以心腹任君君

御下無方卒誤我今百姓饑饉不可虐用當遣大將齎吾書  
往諭之使罷兵用之疑諸將不爲用以其黨許戡奉書往始  
師鐸意駢令宿將勞軍因得口陳用之罪及戡至大怒卽斬  
之乃繫書射城內用之不發火之他日以甲士百人入謁駢  
驚叱曰得非反耶命左右驅出用之至南門舉策曰吾不復  
入是矣始與駢貳師鐸壁楊子發民廬舍治攻具駢召大將  
古鐸齎師鐸母書及其子出諭師鐸遣子還曰不敢負恩朝  
斬凶人夕還屯願以妻子爲質駢恐用之屠其家乃收置署  
中會秦彥遣秦稠率兵與師鐸合攻益急守陴者夜焚南柵  
以應外師鐸入守將張全迺戰死用之距三橋殺傷相當駢

從子傑將執用之以畀師鐸左鎮邪兵復斷其後用之懼乃奔竄召梁纘授以兵使保子城遲明師鐸縱火大掠駢乃命徹備改服須其人師鐸見延和閣駢待之如賓卽署師鐸節度副使漢璋神劍以次授署秦稠封府庫以待師鐸去丞相號誅用之支黨數十使孫約迎秦彥或曰足下向誅妖人羣下樂從今軍府已安宜還政高公足下身典兵權在掌握四鄰聞之不失大義諸將未敢謀也若令彥爲帥兵非足下有也且秦稠封府庫勢已相疑足下如厚德彥宜以金玉子女報之勿聽度江假足下能下彥楊行密夕聞而朝必至師鐸不決以告漢璋漢璋曰善師鐸出駢囚南第稠麾下求無厭



燒貢奉樓取珍寶師鐸徙駢東第擒諸葛股腰下得金數斤  
百姓交唾拔鬚髮無遺再縊乃絕仇家脔其目去市人投瓦  
礮擊尸俄而成豕駢出金遺守者師鐸知之加兵苛督復入  
囚署中子弟十餘人同幽之用之奔天長

新唐書  
臣傳下

張神

劍名雄人以其善用劍故謂之神劍

通鑑唐紀  
七十三

前蘇州刺史張雄帥其眾自海沂江屯於東塘

同上

五月揚州牙將畢師鐸召宣州觀察使秦彥入揚州推爲節度

使

舊唐書  
宗紀

九月辛未朔淮南節度使高駢爲其牙將畢師鐸所殺楊行密  
急攻廣陵蔡賊秦宗權遣其將孫儒將兵三萬度淮爭揚州城

中食盡

同上

初用之詐爲駢書召兵於廬鳳城陷而楊行密兵萬人次天  
長用之自歸張神劍求賂於師鐸辭以彥未至神劍怒與別  
將高霸將攻師鐸彥入揚州稱節度使以師鐸爲行軍司馬  
居用之第不得在牙中師鐸怏怏失志行密與神劍等遵和  
自江北至槐家橋柵壘相望彥登樓望之色沮乃投鄭漢璋  
唐宏等兵屯門樵蘇道絕食且乏糲及師鐸以勁卒八千出  
戰大敗稠死之士奔溺死者十八彥使師鐸率兵三萬陳城  
下漢璋爲前鋒宏次之駱元真樊約又次之師鐸王朗以騎  
爲左右翼旣成列行密乃出委輜重於壁以羸兵守之伏精

卒數千其旁行密先犯元真短兵接偽北師鐸諸軍奔其壁  
爭取金玉貲糧伏誅而出行密引輕兵躡其尾俘殺旁午橫  
尸十里師鐸等奔還元真戰死師鐸惋沮彌日不復議出戰  
矣駢久囚拘供億窘狹羣奴徹延和閣闌檻爲薪煮革帶以  
食駢召幕府盧況曰子粗立功比求清淨非與此世爭利害  
今而及此神道何望耶涕下不能已師鐸旣敗慮駢內應有  
女巫王奉仙謂師鐸曰揚州災有大人死可以厭彥曰非高  
公耶命左右陳賞等往殺之侍者白有賊駢曰此必秦彥來  
正色須之眾入曳廷下數之曰公負天子恩陷人塗炭罪多  
矣尙何云駢未暇荅卽斬之左右奴客道歸行密行密舉軍

縞素大臨而祭獨用之縗服哭三日

新唐書叛臣傳下

秦畢害高

駢於幽所少長皆死同坎瘞於道院北垣下

舊五代史楊行密傳

彥

遣其將張神劍統兵屯灣頭山光寺行密屯大雲寺

舊唐書秦彥傳

案大雲寺舊五代史作大明寺

十月秦彥遣鄭漢章將步騎五千出擊張神劍高霸寨破之神

劍奔高郵霸奔海陵

通鑑唐紀七十三章新舊唐書皆作漢璋

秦彥畢師鐸

潰圍奔於孫儒軍行密入據揚州

舊唐書信宗紀

行密以城尙堅師且老議解去用之裨將晨伏兵西濠伺守

者休代引而登殺數十人於門以招外軍守軍亦厭苦皆委

兵潰師歸與其家及彥奔東塘人爭出相騰藉死濠塹幾滿

行密既入殺梁纘以不死高氏難韓問聞之赴井死居人瘞  
憊奄奄兵不忍加暴反斥餘糧救之彥師鐸與唐宏倪詳焚  
白沙將度江會秦宗權使孫儒引兵三萬襲揚州次天長彥  
等與之合還攻行密用之始詐行密曰麻下有瘞金五千斤  
事平願備一日乏行密掘地無埋金但得銅人三尺身桎梏  
釘刺其口刻駢名於背蓋用蠱厭駢也行密責其罪并張守  
一斬於三橋妻子皆死著其罪於路駢之死裹以故氈與子  
弟七人一坎而瘞行密擢駢孫愈爲副使令主喪事未克葬  
愈暴死故吏鄺師虔收葬之

新唐書叛  
臣傳下

楊行密圍廣陵且

半年秦彥畢師鐸大小數十戰皆不利城中無食斗米直錢

五十緡草根木實皆盡以堊泥爲餅食之餓死者大半宣軍掠人詣肆賣之驅縛屠割如羊豕訖無一聲積骸流血滿於

坊市

通鑑唐紀七十三

呂用之之敗也其黨鄭杞首歸師鐸師鐸

署杞知海陵監事杞至海陵陰記高霸得失聞於師鐸霸獲

其書杖杞背斷手足刳目截舌然後斬之

同上

楊行密自稱淮南留後

同上

十一月秦彥引孫儒之兵攻廣陵楊行密遣使求援於朱全忠制授全忠檢校太尉侍中兼揚州大都督府長史充淮南節度觀察等使行營兵馬都統汴將李璠帥師至淮口以援之

舊唐書僖

宗

孫儒分兵掠鄒州衆至數萬以城下乏食與彥師鐸襲高郵  
辛巳高郵鎮遏使張神劍帥麾下二百人逃歸揚州丙戌孫  
儒屠高郵戊子高郵殘兵七百人潰圍而至行密慮其爲變  
一夕盡阬之殺神劍於其第行密恐儒乘勝取海陵壬寅命  
高霸帥其兵民悉歸府城於是數萬戶棄資產焚廬舍孳老  
幼遷於廣陵戊戌霸與弟睢部將余繞山前常州刺史丁從  
實至廣陵行密出郭迎之與霸睢約爲兄弟置其將卒於法  
雲寺朝廷以淮南久亂以朱全忠兼淮南節度使東南面招  
討使行密欲遣高霸屯天長以拒孫儒袁襲曰霸高氏舊將  
常挾兩端不如殺之己酉行密伏甲執霸及從實繞山皆殺

之又遣千騎掩殺其黨於法雲寺死者數千人是日大雪寺

外數坊地皆赤高毗出走明日獲而殺之

通鑑唐紀七十三

文德元年春正月孫儒斬秦彥畢師鐸於高郵

舊唐書僖宗紀

二月朱全忠奏以楊行密爲淮南留後

通鑑唐紀七十三

夏四月壬午孫儒襲揚州克之楊行密出走儒自稱淮南節度

使行密歸廬州

同上

昭宗龍紀元年朱全忠遣龐師古將兵自潁上趨淮南擊孫儒

通鑑唐紀

七十四

十二月戊寅孫儒自廣陵引兵度江壬午逐田頔取常州以劉

建鋒守之儒還廣陵建鋒又取潤州

同上

廣陵事略

卷之三

五



孫儒出攻宣州行密乘虛襲據揚州北通時溥孫儒引軍復攻

行密

舊五代史  
楊行密傳

大順元年行密危蹙率衆夜遁出據宣州儒復入揚州

同上

龐師古等眾號十萬度淮聲言救楊行密攻下天長高郵

通鑑  
唐紀

七十

葛從周佐龐師古討孫儒於淮南下天長高郵破邵伯堰

舊五代史

從周本傳 案薛史載此事云在文德元年又龐師古傳云朱  
珍以罪誅遂用師古爲都指揮使度淮破天長下高郵朱珍傳  
云龍紀初以斬李唐寶誅則師古凌淮在龍紀之後而  
從周傳可決知其謀蓋與通鑑所載同一事故次於此

二月龐師古與孫儒戰於陵亭師古兵敗而還楊行密遣其將

馬敬言將兵五千襲據潤州

通鑑唐紀  
七十三

六月孫儒求好於朱全忠全忠表爲淮南節度使未幾全忠殺

其使者遂復爲仇敵

同上

二年四月楊行密遣其將劉威朱延壽將兵三萬擊孫儒於黃

池威等大敗孫儒軍於黃池五月大水諸營皆沒乃還揚州

同上

朱全忠遣使與楊行密約共攻孫儒悉焚揚州廬舍驅丁壯

及婦女度江殺老弱以充食行密將張訓李德成潛入揚州滅

餘火得穀數十萬斛以賑饑民

同上

景福元年六月戊寅楊行密陷揚州

新唐書昭宗紀

案舊書載此事在大順二年三月

行密聞儒病瘡戊寅縱兵擊之會大雨晦冥儒軍大敗安仁

義破儒五十餘寨田頵擒儒於陳斬之傳首京師儒眾多降

於行密丁酉行密帥欲歸揚州七月丙辰至廣陵表田頔守  
宣州安仁義守潤州先是揚州富庶甲天下時人稱揚一蓋  
二及經秦畢孫楊兵火之餘江淮之間東西千里掃地盡矣

通鑑唐紀

七十五

八月以楊行密爲淮南節度使同平章事

同上

孫儒降兵多蔡人行密選其尤勇健者五千人厚其稟賜以  
皁衣蒙甲號黑雲都每戰先登陷陳四鄰畏之

同上

淮南被

兵六年士民轉徙幾盡行密初至賜與將吏帛不過數尺錢  
不過數百而能以勤儉足用非公宴未嘗舉樂招撫流散輕  
刑薄斂未及數年公私富庶幾復承平之舊

同上

十一月廬州刺史蔡儔發楊行密父祖墓行密遣行營都指將

使李神福將兵討儔

同上

二年四月甲午行密自將詣廬州七月丁亥克廬州斬蔡儔

同上

乾寧二年楊行密攻濠州拔之執刺史張璠行密軍士掠得徐

州李氏子行密養以爲子

通鑑唐紀七十六

李昇字正倫世本微賤父榮遇唐末之亂不知其所終昇小

孤流寓濠泗間楊行密攻濠州得之奇其狀貌養以爲己子

而楊氏諸子不能容行密以乞徐溫乃冒姓徐氏名知誥

五代

史南唐

世家

乾寧四年正月葛從周將兵襲兗州二月戊申入兗州朱瑾帥

眾趨沂州刺史尹處賓不納走保海州爲汴兵所逼與史儼李承嗣擁州民度淮奔楊行密行密逆之於高郵表瑾武寧軍節

度使

通鑑唐紀七十七

淮南舊善水戰不知騎射及得河東兗鄆兵軍聲大振儼承嗣皆河東驍將李克用深惜之遣使間道詣行密請之行密許之亦遣使詣克用修好

同上

詔以楊行密爲江南諸道行營都統

同上

八月鍾傳欲討吉州刺史襄陽周琲琲帥其眾奔廣陵

同上

九月湖州刺史李彥徽欲以州附於楊行密其眾不從彥徽奔

廣陵

同上

光化二年春正月朱全忠遣崔賢遠蔡州發兵詣大梁二月蔡將崔景思等殺賢悉驅兵民度淮奔楊行密兵民稍稍遁歸至廣陵者不滿二千人

同上

天復二年三月以左金吾將軍李儼爲江淮宣諭使尋御札賜

楊行密拜行密東面行營都統中書令吳王

通鑑唐紀七十九

儼張溶之子也賜姓李

同上

六月武寧節度使馮宏鐸至東塘

同上

宏鐸介居宣揚之間常不自安然恃樓船之彊不事重道寧國節度使田頵欲圖之宏鐸將馮暉顏建說宏鐸先擊頵宏鐸從之率眾襲宣州頵逆擊於葛山大破之宏鐸收餘眾沿

江將入海揚行密恐爲後患遣使犒軍且說之宏鐸至東塘  
行密自乘輕舟迎之從者十餘人常服不持兵升宏鐸舟慰  
諭之舉軍感悅署宏鐸淮南節度副使館給甚厚

同上案  
萬山唐書

作馬

上

九月錢鏐以徐許之難遣顧全武告急於楊行密

同上

全武請得王子爲質鏐命其子傳瓌微服爲全武僕與偕之  
廣陵全武至說行密曰使田頔得志必爲王患王召頔還錢  
王請以其子爲質且求昏行密許之以女妻傳瓌

同上

冬十月李儼至揚州楊行密始建制敕院每有封拜輒以告儼  
於紫極宮元宗像前陳制書再拜然後下

同上

三年九月楊行密殺奉國軍節度使朱延壽十二月行密陷宣

州寧國軍節度使田頽死之

新唐書  
昭宗紀

初田頽破馮宏鐸詣廣陵謝行密因求池歛爲巡屬行密不許頽還指廣陵南門曰吾不可復入此矣頽兵彊財富好攻

取行密既定淮南欲保境息民每抑止之頽不從及解釋錢

鏐頽尤恨之遂與潤州團練使安仁義同舉兵仁義悉焚東

塘戰艦頽遣二使詐爲商人詣壽州約奉國節度使朱延壽

行密將尙公迺遇之曰曰非商人也殺一人得其書以告行

密行密召李神福於鄂州以討頽行密夫人延壽之姊也行

密狎侮延壽延壽怨怒陰與頽通謀頽遣前進士杜荀鶴至



壽州與延壽相結又遣告朱全忠全忠遣兵屯宿州以應之  
延壽謀頗泄行密僞爲目疾對延壽使者多錯亂所見或觸  
柱仆地謂夫人曰吾不幸失明諸子皆幼軍府事當悉以授  
三舅夫人屢以書報延壽行密又自遣召之陰令徐溫爲之  
備延壽至廣陵行密迎及寢門執而殺之部兵驚擾徐溫諭  
之皆聽命遂斬延壽兄弟黜朱夫人十二月田頵帥死士出  
戰臺深擊頵斬之行密與頵同閭里少相善約爲兄弟頵首  
至廣陵行密視之泣下赦其母殷氏行密與諸子皆以子孫

禮視之

通鑑唐紀八十

天祐元年八月楊行密以其子渥爲宣州觀察使

通鑑唐紀八十一

二年正月楊行密殺平盧節度使安仁義

新唐書昭宣帝紀

仁義勇決得士心淮南將王茂章攻之踰年不克行密使謂之曰汝之功吾不忘也能束身自歸當以爲行軍副使但不掌兵耳仁義不從茂章爲地道入城遂克之仁義舉族登樓眾不敢逼李德誠掖之而下并其子斬於廣陵市

通鑑唐紀八十一

二月朱全忠遣其將曹延祚將兵與杜洪共守鄂州淮南將劉存攻拔之執洪延祚及汴兵千餘人送廣陵悉誅之上

九川梁兵攻破襄州趙匡凝奔於行密

五代史吳世家

匡凝至廣陵行密厚遇之行密死楊渥稍不禮之渥方宴食青梅匡凝顧渥曰勿多食發小兒熱諸將以爲慢渥遷匡凝

於海陵後爲徐溫所殺

五代史匡  
凝本傳

冬十月楊渥至廣陵楊行密承制以渥爲淮南留後

通鑑唐紀  
八十一

十一月庚辰吳忠武王楊行密薨將佐共請宣諭使李儼承制

授楊渥淮南節度使東面諸道行營都統兼侍中宏農郡王

同上

三年四月江西鍾傳卒子匡時代立渥遣秦裴率兵攻之九月

克洪州執匡時及其司馬陳象以歸斬象於市

五代史  
吳世家

### 五代

四年

梁太祖開平元年  
時吳仍稱天祐

正月左右牙指揮使張顥徐溫帥牙兵

誅渥親信十餘人

通鑑後  
梁紀一

渥既得江西驕侈益甚居喪晝夜酣飲作樂然十圍之燭以

鑿毬一燭費錢數萬或單騎出遊從者奔走不知所之張顥  
徐溫泣諫渥怒曰汝謂我不才何不殺我自爲之二人懼渥  
選壯士號東院馬軍廣署親信爲將吏所署者恃勢驕橫陵  
蔑動舊溫顥潛謀作亂渥父行密之世有親軍數千營於牙  
城之內渥遷出於外以其地爲射場顥溫由是無所憚渥之  
鎮宣州命指揮使朱思勅范思從陳璿將親兵三千人及嗣  
位召歸廣陵顥溫使三將從秦裴擊江西因戍洪州誣以謀  
叛命別將陳祐往誅之祐至洪州徵服懷短兵徑入秦裴帳  
中裴大驚祐告之故乃召思勅等飲酒執而斬之渥聞三將  
死益忌顥溫欲誅之丙戌渥視事顥溫帥牙兵二百露刃直

入庭中渥曰爾果欲殺我邪對曰欲誅左右亂政者耳因數  
渥親信十餘人之罪曳下以鐵槌擊殺之謂之兵諫諸將不  
與同謀者稍以法誅之於是軍政悉歸二人渥不能制

同上案

五代史云温顥惡璠等侵其權四年正月渥視事璠等侍側  
温顥擁牙兵入曳璠等下斬之馬令甫唐書亦如歐史與此  
不同 又案范思  
從五代史作范遇

五年

開平二年

五月張顥徐温謀共弑王分其地以臣於梁戊寅顥

遣其黨紀祥等弑王於寢室詐言暴薨奉威王弟隆演稱淮南

留後東面諸道行營都統

同上案隆演  
舊五代史作渭

渥死顥欲自立温患之其客嚴可求出渥母史氏教言楊氏  
創業艱難而嗣王不幸隆演以次當立告諸將以無負楊氏

而善事之辭旨激切聞者感動顙氣色皆沮隆演乃得立由

此與溫有隙

五代史  
吳世家

徐溫與張顙有隙使鍾章殺之溫因盡殺紀祥等歸殺渥之罪

於顙溫遂專政

同上 案鍾章  
通鑑作鍾泰章

顙諷隆演出溫潤州可求謂溫曰禍行至矣因說顙止溫溫由是不行顙使客刺可求不能中明日可求詣溫謀先殺顙

陰遣鍾章選壯士三十人就衙堂斬顙

同

初溫與顙謀殺

威王溫曰參用左右牙兵心必不一不若獨用吾兵顙不可

溫曰然則獨用公兵顙從之至是窮治逆黨皆左牙兵也由是人以溫爲賢不知謀隆演以溫爲左右牙都指揮使軍事

咸取決焉以嚴可求爲揚州司馬先是張顥用事刑罰酷濫縱親兵剽奪市里溫立法度禁強暴舉大綱軍民安之以軍旅委嚴可求以財賦委支計使駱知祥皆稱其職淮南謂之

嚴駱

通鑑後  
梁紀一

七月壬申淮南將吏請於李儼承制授楊隆演淮南節度使東面諸道行營都統同平章事宏農王

同上

六年

開平三年

三月徐溫以金陵形勝戰艦所聚乃自以爲淮南行

軍副將領昇州刺史留廣陵以其假子元從指揮使知詔爲昇

州防遏兼樓船副使往治之

通鑑後  
梁紀二

四月淮南初置選舉以駱知祥掌之上

同上

七年

開平四年

二月萬全感自岐歸廣陵岐王承制加宏農王兼中

書令嗣吳王於是吳王赦其境內

同上

九年

乾化二年

九月徐溫帥將吏請於李儼承制加嗣吳王隆演太

師吳王以溫領鎮海節度使同平章事

通鑑後梁紀三

十二年

梁均王貞明元年

八月吳以鎮海軍節度使徐溫爲管內水陸

馬步諸軍都指揮使兩浙都招討使守侍中齊國公鎮潤州以

昇潤常宣歙池六州爲巡屬軍國庶務參決如故留徐知訓居

廣陵秉政

通鑑後梁紀四

十三年

貞明二年

二月辛丑夜吳宿衛將馬謙李球劫吳王登樓發

庫兵討徐知訓壬寅謙等陳於天興門外諸道副都統朱瑋自



潤州至擒謙球斬之同上

十五年

貞明四年

四月副都統朱瑾殺徐知訓瑾自殺潤州徐知誥

聞亂率兵入殺唐宣諭使李儼以止亂遂秉政

五代史吳世家

知訓驕倨淫暴狎侮吳王無復君臣之禮嘗與王爲優自爲

參軍使王爲蒼鵲總角弊衣執帽以從泛舟濁河王先起知

訓以彈彈之又賞花於禪智寺知訓使酒悖慢王懼而泣四

座股票左右扶王登舟知訓乘輕舟逐之不及以鐵槌殺王

親吏將佐無敢言者温皆不之知知訓及弟知詢皆不禮徐

知誥獨季弟知諫以兄禮事之知訓嘗召兄弟飲知誥下主

知訓怒曰乞子不欲酒欲劍乎又嘗與知誥飲

馬令南唐書云飲於山光

寺

伏甲欲殺之知諫躡知誥足陽起如廁遁去知訓以劍投

刁彥能使追殺之彥能馳騎及於中途舉劍示知誥而還以

不及告平盧節度使同平章事諸道副都統朱瑾遣家妓通

候問於知訓知訓強欲私之瑾已不平知訓惡瑾位加已上

出瑾爲靜淮節度使瑾益恨之然外事知訓愈謹瑾有所愛

馬冬貯於幄夏貯於幃寵妓有絕色知訓過別瑾置酒自捧

觴出寵妓使歌以所愛馬爲壽知訓大喜瑾因延之中堂伏

壯士於戶內出妻陶氏拜之知訓荅拜瑾以笏自後擊之踏

地呼壯士出斬之瑾先繫二悍馬於廡下將圖知訓密令人

解縱之馬相蹶齧聲甚厲以是外人莫之聞瑾提知訓首出

知訓從者數百人皆散走瑾馳入府以首示吳王曰已爲大  
王除害王懼以衣鄣面走入內曰男自爲之我不敢知瑾曰  
婢子不足以成大事以知訓首擊柱挺劍將出子城使翟虔  
已闔府門勒兵討之乃自後踰城墜而折足顧追者曰吾爲  
萬人除害以一身任患遂自剄徐知誥在潤州聞難用宋齊  
邱策卽日引兵濟江瑾已死因撫定軍府時徐溫諸子皆弱  
乃以知誥代知訓執吳政沈朱瑾尸於雷塘而滅其族瑾之  
殺知訓也秦寧節度使米志誠從十餘騎問瑾所向聞其已  
死乃歸宣諭使李儼貧困寓居海陵溫疑其與瑾通謀皆殺  
之七月溫入朝疑諸將皆預朱瑾之謀欲大行誅戮徐知誥

嚴可求具陳知訓過惡溫怒稍解乃命網瑾骨於雷塘而葬之責知訓將佐不能匡救皆抵罪獨刁彥能有諫書賞之戊戌以知誥爲淮南節度行軍副使內外馬步都軍副使通判府事兼江州團練使溫還鎮金陵庶政皆決於知誥知誥悉反知訓所爲事吳王盡恭接士大夫以謙御眾以寬約身以儉以吳王命悉駕天祐十三年以前逋稅餘俟豐年乃輸之求賢才納規諫除姦猾杜請託士民翕然歸心先是吳有丁口錢又計畝輸錢錢重物輕民甚苦之齊邱說知誥以爲錢非耕桑所得今使民輸錢是教民棄本逐末也請蠲丁口錢自餘稅悉輸穀帛紬絹匹直千錢者當稅三千知誥從之由

是江淮間曠土盡闢桑柘滿野國以富強知誥欲進用齊邱而徐溫惡之以爲殿直軍判官知誥每夜引齊邱於水亭屏語常至夜分或居高堂悉去屏障獨置大爐相向坐不言以鐵筋畫灰爲字隨以匙滅去之故其所謀人莫得知也

通鑑後梁

把

五 知誥起延賓亭以待四方之士

馬令先主書

吳武義元年

貞明五年

二月溫率將吏請降演卽天子位不許夏四月

溫奉玉冊寶綬尊隆演卽吳王位建宗廟社稷設百官如天子之制改天祐十六年爲武義元年大赦境內追尊行密孝武王廟號太祖渥景王廟號烈祖拜溫大丞相都督中外諸軍事封東海郡王以徐知誥爲左僕射參知二事嚴可求爲門下侍

郝略知祥爲中書侍郎文武以次進位封宗室皆郡公

五代史吳世家

宮殿文武皆用天子禮以金繼土臘用丑

通鑑後梁紀五

二年

貞明六年

五月隆演卒隆演少年嗣位權在徐氏及建國稱制

非其意常怏怏酣飲稀復進食遂至疾卒年二十四諡曰宣弟

溥立

五代史吳世家

吳順義元年

梁改龍德元年

冬十一月祀天於南郊御天興樓大赦

同上

徐溫勸吳王祀南郊或曰禮樂未備且唐祀南郊費巨萬今

未能辦也溫曰安有王者而不事天平事天貴誠多費何爲

甲子祀南郊配以太祖

通鑑後梁紀六

四年

唐莊宗同光二年

溥至白沙閱舟師徐溫來見以白沙爲迎鑿鎮

五代史  
吳世家

先是溫以親吏翟虔爲閣門宮城武備等使使察王起居虔  
防制王甚急至是王對溫名兩爲水溫請其故王曰翟虔父  
名吾諱之熟矣因謂溫曰公忠誠我所知也然翟虔無禮官  
中及宗室所須多不獲溫頓首謝罪請斬之王曰斬則太過

遠徙可也乃徙撫州

通鑑後  
唐紀二

七年

唐明宗天  
成二年

十月徐溫卒追封爲齊王

舊五代史  
楊溥傳

初溫子行軍司馬忠義節度使同平章事知詢以其兄知誥  
非徐氏子數請代之執政溫曰汝曹皆不如也嚴可求徐玠  
等言之不已溫欲帥諸藩鎮入朝勸吳王稱帝將行有疾乃

遣知詢奉表勸進因留代知誥知誥草表欲求洪州節度使  
俟旦上之是夕溫凶問至乃止知詢亟歸金陵吳主贈溫齊

王謚曰忠武

通鑑後  
唐紀五

十一月庚戌溥御文明殿卽皇帝位改元乾貞大赦境內追尊  
行密武皇帝渥景皇帝隆演宣皇帝以徐知誥爲太尉兼侍中

拜溫子知詢輔國大將軍金陵尹治溫舊鎮

五代史  
吳世家

吳乾貞二年

天成  
三年

春正月吳主立子璉爲江都王

通鑑後  
唐紀五

吳太和元年

天成  
四年

十一月徐知詢來朝知誥誣其有反狀留之

不遣以爲左統軍斬其客將周廷望以徐知諤爲金陵尹大赦

境內改元太和以徐知誥爲中書令

五代史  
吳世家



知詢自以握兵據上流意輕知誥數與知誥爭權內相猜忌知誥患之知詢待諸弟薄諸弟皆怨之徐玠知知詢不可輔反持其短以附知誥吳越王鏐遺知詢金玉鞍勒器皿皆飾以龍鳳知詢乘用之知詢典客周廷望說知詢捐寶貨以結朝中勳舊知詢從之使廷望如江都廷望與知誥親使周宗善密輸款於知誥亦以知誥陰謀告知詢知詢召知誥詣金陵除父喪知誥稱吳主之命不許周宗謂廷望曰人言侍中有不臣七事宜亟入謝廷望還以告知詢十一月知詢入朝知誥留爲統軍領鎮海節度使徵金陵兵還江都知誥自是始專吳政知詢責知誥曰先王遠世兄爲人子不臨喪可乎

知誥曰爾挺劍待我我何敢往爾爲人臣畜乘輿服物亦可

乎知誥又以廷望所言誥知誥知誥曰以爾所爲告我者亦

廷望也遂斬廷望

通鑑後唐紀五

二年唐改長興元年三月吳主立江都王璉爲太子

通鑑後唐紀六

三年長興二年十一月吳中書令徐知誥請歸老金陵乃以知誥爲

鎮海寧國節度使鎮金陵總錄朝政如徐溫故事以其子兵部

尙書景通爲司徒同平章事知中外左右諸軍事留江都輔政

同上

四年長興三年封知誥東海王

五代史吳世家

五年長興四年五月宋齊邱勸徐知誥徙吳主都金陵知誥乃營宮

城於金陵

通鑑後唐紀七

六年

唐潞王清泰元年

二月吳主遣朱齊邱如金陵諭知誥罷遷都

通鑑

後唐紀八

先是知誥久有傳禪之意以吳主無失德恐眾心不悅欲待嗣君齊邱亦以爲然一旦知誥臨鏡鑷白髮歎曰國家安而吾老矣奈何周宗知其意請如江都微以傳禪意諷吳主且告齊邱齊邱以宗先已心疾之遣使馳詣金陵手書切諫知誥愕然後數日齊邱至請斬宗以謝吳主乃黜宗爲池州副使久之節度副使李建勳行軍司馬徐玠等屢陳知誥功業宜早從民望召宗復爲都押牙知誥由是疎齊邱

同上

十一月徐知誥召其子司徒同平章事景通還金陵以次子牙

內馬步都指揮使海州團練使景遷爲左右軍都軍使左僕射

參政事留江都輔政

同上

天祚元年

清泰二年

九月大赦改元知誥進位太師天下兵馬大元

帥封齊王

五代史吳世家云太和五年進封齊王

案馬書

二年

晉高祖天福元年

十二月鎮南節度使李德誠德勝節度使周本

帥諸將詣江都表吳主陳知誥功德請行冊命

通鑑後晉紀一

本以昏耄不知時變皆少子祚左右其事本隨眾至建康勸

進愧恨數月而卒

馬令書本本傳案祚通鑑作宏祚

唐昇元元年

晉高祖天福二年

九月丙寅吳主命江夏王璘奉璽綬於

齊冬十月甲申齊王誥卽皇帝位於金陵大赦改元國號唐追

尊太祖武王曰武皇帝

通鑑後晉紀二 案知誥於是年二月更名誥

以廣陵爲東都改東都尙書省爲留守院

陸游南唐書烈祖紀

以揚州海陵縣爲泰州

馬令先主書

己丑唐主表讓皇改東都宮殿名皆取於仙經讓皇嘗服羽衣

習辟穀術辛卯吳宗室建安王珙等十二人皆降爵爲公

通鑑後晉

紀二 案十二人陸書作十一人今可知者惟濛澈珙璉璠璿玢璠八人濛又前降餘皆無考未知孰是

十一月戊午立子景遂爲吉王以景遂爲侍中東都留守江都

尹帥留守百官赴東都

同上

二年天祐三年

四月吳讓皇固辭舊宮屢請徙居五月改潤州牙城

爲丹陽宮以李建勳爲迎奉讓皇帝使壬戌徙讓皇居丹陽宮

上同

十一月辛未吳讓皇卒唐主廢朝二十七日追謚曰睿皇帝

上同

案陸書作十

二月辛丑殂

三年天福四年春正月唐主復姓李立唐宗廟

通鑑後晉紀三案  
詔於是年二月更名

昇

唐主將立齊王瑒爲太子固辭乃以爲諸道兵馬大元帥判六

軍諸衛守太尉錄尚書事昇揚二州牧

上同

四年天福五年冬十月幸東都存省故老宴於舊宅踰月還

馬介先  
主書

乙巳詔幸東都命齊王瑒監國庚戌帝自保德門御舟辛亥

次迎鑾鎮甲寅至東都入建元門帝感念疇昔泣然流涕不

已遣使問東畿士民不能自存者十一月乙丑宴羣臣於崇德宮故第也以麇事爲光慶殿庚辰改東都文明殿爲乾元殿英武殿爲明光殿應乾殿爲垂拱殿朝陽殿爲福昌殿積慶宮爲崇道宮乙酉賜東畿高年疾苦擘獨米人二石十二

月丙申帝至自東都

陸書烈祖紀

六年

天福七年

三月遷讓皇子孫於海陵號永寧宮嚴兵守之絕不通人久而男女自爲匹偶吳人多哀憐之

馬令先主書案通鑑載此事在昇元三年

年

保大元年

晉齊王天福八年

二月庚午唐主昶秘不發喪下制以齊王

監國大赦三月己卯朔唐元宗卽位大赦改元秘書郎韓熙載

請俟踰年不從

通鑑後  
晉紀四

秋七月以元子南昌王彝爲江州尹東都留守

馬令嗣  
主書二

八年

漢隱帝乾  
祐三年

二月以周宗爲東都留守

馬令嗣  
主書三

十一年

周太祖廣  
順三年

冬十月築楚州白水塘以溉田

同上

先是楚州刺史田敬洙請修白水塘溉田以實邊馮延巳以

爲便李德明因請大闢曠土爲屯田修復所在渠塘堙廢者

吏因緣侵擾奪民田甚眾徐鉉以白唐主唐主命鉉按視籍

民田悉歸其主或譖鉉擅作成福流舒州然白水塘竟不成

通鑑後

周紀二

十三年

周世宗顯  
德二年

冬十月周宗乞罷鎮以馮延魯爲東都留守



賈崇爲東都屯營使

馬令嗣  
主書三

帝始議南征十一月乙未朔以宰臣李穀爲淮南道前軍行營

都部署許州節度使王彥超爲行營副部署命侍衛馬軍都指

揮使韓令坤等一十二將各帶征行之號以從

舊五代史周  
世宗紀二

十四年

顯德  
三年

二月丙戌侍衛馬軍指揮韓令坤奏收下揚州辛

卯令坤上言秦州降

舊五代史周  
世宗紀三

韓令坤磁州武安人周世宗卽位爲馬軍都指揮使領定武

軍節度世宗征淮南揚州無備令坤先令精騎數百遲明馳

入城中不之覺令坤繼至撫之民皆安堵遂以令坤知州事

由是秦州懼以城降世宗復幸淮右遣令坤先入揚州權知

軍府事

宋史令坤本傳

東都屯營使賈崇焚官府民舍棄城南走副留守馮延魯髡髮被僧服匿於佛寺軍士執之泰州刺史方訥奔金陵

通鑑後周紀三

王師下廣陵江左驚窘李景偽署晟爲司空令奉貢於行在

舊唐書

代史孫晟傳案璟以避周諱改名景

世宗征淮南下詔撫安楊氏子孫李景聞之遣人盡殺其族楊

氏遂絕

五代史吳世家

吳讓皇旣歿於丹陽其族屬尙居泰州廨舍先主自受禪以還未暇措置迨殂方囑嗣君曰邦君皆楊氏所有偶移在我

吾憫孤兒嫠女僑寄殊鄉令往泰州津斂楊族安於京口購

贖撫育無令失所男女昏嫁悉資官給環稟遺戒遣園苑使  
尹延範具舟車調費往秦般護時王室在難道路已亂延範  
慮有他變取子弟六十人皆殺之惟載婦女渡江環大怒以  
延範腰斬仍誅其族於市以慰其冤諸女二十餘人選士族

嫁之

文瑩玉壺清話

馬希崇及王延政之子皆在揚州詔撫存之

通鑑後周紀四

四月唐右衛將軍陸孟俊自常州將兵萬餘人趣泰州周兵遁  
去孟俊復取之遣陳德誠戍泰州孟俊進攻揚州屯於蜀岡韓  
令坤棄揚州走帝遣張永德將兵救之令坤復入揚州敗唐兵  
於城東擒孟俊

同上

初兩浙錢俶承詔遣兵攻常州爲陸子俊所敗李景乘常州之捷遣孟俊領兵迫泰州王師不守韓令坤欲棄揚州而回帝怒遣殿前都指揮使張承德往援之俄而孟俊自海陵抵揚州令坤迎擊敗之生擒孟俊

舊五代史周世宗紀三

初孟俊之廢

馬希萼立希崇也滅故舒州刺史楊昭暉之族而取其財楊氏有女美獻於希崇令坤入揚州希崇以楊氏遣令坤令坤嬖之既獲孟俊將械送帝所楊氏在簾下忽撫膺慟哭令坤驚問之對曰孟俊昔在潭州殺妾家二百口今見之請復其

冤令坤乃殺之

通鑑後周紀四

已卯韓令坤奏敗楚州將馬在貴萬餘眾於灣頭堰

同上

秋七月揚州復入於唐

五代史周世宗紀

元帥景達等趨壽州其將克復舒蘄秦三州夏大雨周師在揚滁和者皆御天子駐於渦口猶欲再幸揚州宰相范質以師老泣諫乃班師以向訓守揚州訓請棄揚州併力攻壽春

乃封府庫付主者而去

馬令嗣主書四

十五年

顯德四年

夏四月周帝北還冬十一月周帝復親征

陸書元宗紀

十二月取泰州

五代史周世宗紀

帝遣鐵騎左廂都指揮使武守琦將騎數百趣揚州至高郵唐人悉焚揚州官府民居驅其人南度江後數日周兵至城中餘癘病十餘人而已癸酉守琦以聞帝聞泰州無備遣兵

襲之丁丑拔泰州

通鑑後周紀四

泰州潰周師步騎數萬水陸齊進軍士作檀來之歌聲聞數

十里

馬令嗣主書四

交泰元年

顯德五年

春正月改元中興三月大赦改元交泰周帝次

揚州遂至迎鑾鎮耀兵江口

陸書元宗紀

二月車駕發楚州丁卯駐蹕於廣陵詔發揚州部內丁夫萬

餘人城揚州帝以揚州焚盪之後居民南渡遂於故城內就

東南別築新壘戊辰遣使祭故淮南節度使楊行密故昇府

節度使徐溫等墓癸酉幸揚子渡觀大江三月壬午朔幸泰

州丁亥復幸廣陵辛卯幸迎鑾江口遣右武衛大將軍李繼

勲率舟師至江島以觀寇癸巳帝臨江望見賊船數十艘命

今上帥戰棹追之賊軍退去今上直抵南岸焚其營柵而回

壬寅復幸揚州

舊五代史周世宗紀五  
案今上謂宋太祖

帝懼周師南渡遣樞密使陳覺奉表貢方物請傳位太子宏冀

以國爲附庸

陸書元  
宗紀

詔故淮南節度使楊行密故昇府節度使徐溫各給守塚戶應

江南臣僚有先代墳墓在江北者委所在長吏差人檢校

舊五代史

周世宗  
紀五

四月宴從臣及江南進奉使馮延巳等於行宮徐遼代李景捧

帝觴以獻乙卯車駕發揚州還京

同上 案自此  
揚州入於後周

廣陵事略卷之三

廣陵事略

卷之三

三